

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



CONVENIO DE COLABORACIÓN ENTRE O CONCELLO DE VIGO E A FUNDACIÓN PARA A PESCA E O MARISQUEO (FUNDAMAR) PARA O DESENVOLVEMENTO DO PROGRAMA SEREAS, AS MULLERES DO MAR NO ANO 2026

En Vigo, na casa do Concello, o (data da sinatura electrónica)

REUNIDAS

Dunha parte, dona María del Carmen Silva Rego, na súa condición de concelleira da Área de Goberno de Patrimonio Histórico, Cultura e Igualdade, de acordo coas Resolucións de Alcaldía dos días 20/06/2023 (BOPPO núm. 124 do 28 de xuño de 2023), 28/06/2024 (BOPPO núm. 133 do 9 de xullo de 2024) e 25/09/2025 (BOPPO núm. 186 do 30 de setembro de 2025) e o Acordo da Xunta de Goberno Local do 07/11/2025 (BOPPO núm. 217 do 12 de novembro de 2025), asistida por dona Susana Gallardo Fariña, secretaria do Goberno Local, para os efectos de dación da fe pública.

Doutra parte, don Francisco Javier Touza Touza, como presidente do Padroado da Fundación para a Pesca e o Marisqueo (en adiante, FUNDAMAR), co CIF G27745397 e enderezo social no Porto Pesqueiro, s/n, 36202 Vigo, en representación de FUNDAMAR segundo resulta dos seus estatutos e da documentación que figuran no expediente núm. 14496-224.

Tendo, daquela, as partes a capacidade legal necesaria para a sinatura deste convenio

MANIFESTAN QUE:

I. FUNDAMAR é unha fundación sen ánimo de lucro, con personalidade xurídica propia e plena capacidade de obrar, que foi constituída en escritura pública outorgada en Vigo o 24/06/2010 e clasificada de interese laboral por Orde da Consellería de Presidencia, Administracións Públicas e Xustiza do 04/10/2010 (DOG núm. 204, do 22 de outubro).

Por Resolución da secretaría xeral da Consellería de Traballo e Benestar do 15/12/2010 (DOG núm. 249, do 29 de decembro) foi declarada de interese galego e figura inscrita no Rexistro de Fundacións de Interese Galego co número 2010/13.

FUNDAMAR está integrada pola Cooperativa de Armadores/Armadoras de Pesca do Porto de Vigo (ARVI) e os sindicatos UGT e CCOO, que conforman a maioría da representación no ámbito social e económico da pesca marítima e o marisqueo da Comunidade autónoma de Galicia. FUNDAMAR é a primeira experiencia deste tipo, calquera que sexa o ámbito territorial que se contemple, que ten unha representación paritaria entre a parte empresarial e os sindicatos nos seus órganos de goberno e de control.

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



II. FUNDAMAR naceu co propósito de crear, impulsar, dirixir e/ou participar en proxectos e/ou actuacións que teñan por finalidade a mellora das condicións sociais e de produtividade dos e das traballadores e traballadoras, organizacións e empresas relacionadas ou dependentes do sector da pesca e o marisqueo.

Para a consecución destes fins, FUNDAMAR desenvolve a súa actividade en 4 áreas de actuación:

- Seguridade e prevención, a través da realización de estudos, guías de boas prácticas, accións de promoción e campañas de sensibilización.
- Social, con iniciativas e proxectos relacionados coa mellora do benestar social dos e das profesionais do mar, impulsando a promoción da igualdade de oportunidades entre homes e mulleres e abordando as cuestións de xénero.
- Formación marítima, con estudos de detección de necesidades formativas adecuadas ás necesidades reais que incidan en tripulantes e armadores/armadoras.
- Técnica, con iniciativas estratéxicas nas que transcenden todos os proxectos e estudos de I+D+I, nos ámbitos da prevención de riscos laborais, seguridade marítima, RSE, promoción dos recursos e produtos do medio ambiente mariño.

En relación coa promoción da igualdade de oportunidades, FUNDAMAR persegue os seguintes obxectivos: facilitar e promover as condicións de acceso ao emprego baixo criterios de igualdade e equidade, a formación marítima con perspectiva de xénero e impulsar e promover servizos e programas para o fomento da igualdade de xénero e igualdade de oportunidades, a acción social, a asistencia e a plena inclusión de mulleres e homes no sector marítimo pesqueiro e marisqueiro.

III. Desde 2017, FUNDAMAR desenvolve na cidade de Vigo o programa *Sereas, as mulleres do mar*.

O programa *Sereas, as mulleres do mar* é un programa de carácter divulgativo e de concienciación social que naceu para visibilizar, recoñecer e poñer en valor o papel das mulleres no sector marítimo-pesqueiro e conserveiro de Galicia e mostrar a contribución fundamental das mulleres ao desenvolvemento económico, social e cultural do sector a través da súas historias de vida, traxectorias profesionais e saberes transmitidos de xeración en xeración, coa finalidade de promover a reflexión sobre a igualdade no sector e xerar espazos de encontro e memoria colectiva.

Este programa persegue os seguintes obxectivos: dar a coñecer referentes femininos do sector mar-industria, identificar e visibilizar figuras femininas que desenvolveron papeis fundamentais no sector, enaltecer a participación socioeconómica das mulleres no sector, recoñecer o papel da muller na Revolución industrial en Galicia, favorecer a creación de espazos de encontro e diálogo entre mulleres do sector, investigadoras e sociedade civil, integrar a perspectiva de xénero na análise histórica, social e

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



económica do sector mar-industria e contribuír á construción dun relato colectivo máis inclusivo sobre a historia e o presente do sector mar-industria galego.

IV. O Concello de Vigo, no seu orzamento aprobado para o exercicio 2026, na aplicación orzamentaria 2311 4890007 *FUNDAMAR*, proxecto *Sereas*, prevé nominativamente a concesión dunha subvención a favor de *FUNDAMAR* polo importe de 10.000 euros.

V. Este convenio é acorde coa seguinte normativa:

a) A Lei 7/1985, do 2 de abril, reguladora das bases do réxime local e a Lei 5/1997, do 22 de xullo, de Administración local de Galicia, que establecen que os municipios, para a xestión dos seus intereses e no ámbito das súas competencias, poden promover toda clase de actividades e prestar todos os servizos públicos que contribúan a satisfacer as necesidades e aspiracións da comunidade veciñal, e que exercerán competencias, nos termos da lexislación do Estado e das Comunidades autónomas, nas materias de: actuacións na promoción da igualdade entre homes e mulleres, así como contra a violencia de xénero (art. 25.2.o) Lei 7/1985), execución de programas propios destinados á muller (art. 80.2.o) Lei 5/1997).

b) A Lei orgánica 3/2007, do 22 de marzo, para a igualdade efectiva de mulleres e homes, que imponlles aos poderes públicos o establecemento de medidas explícitas e accións positivas para acadar a igualdade real e efectiva entre mulleres e homes e, en concreto, ás Entidades locais imponlles o deber de integrar o dereito de igualdade no exercicio das súas competencias e colaborar, para tal efecto, co resto das Administracións públicas. A Lei establece como criterios xerais de actuación dos poderes públicos, entre outros: a integración do principio de igualdade de trato e de oportunidades no conxunto das políticas económica, laboral, social, cultural e artística, co fin de evitar a segregación laboral e eliminar as diferencias retributivas, así como potenciar o crecemento do empresariado feminino en todos os ámbitos que abarque o conxunto de políticas e o valor do traballo das mulleres, incluído o doméstico; o fomento de instrumentos de colaboración entre as distintas Administracións públicas e os axentes sociais, as asociacións de mulleres e outras entidades privadas; e o fomento da efectividade do principio de igualdade entre mulleres e homes nas relacións entre particulares (art. 14).

c) A Lei 38/2003, do 17 de novembro, xeral de subvencións e a Lei 9/2007, do 13 de xuño, de subvencións de Galicia, que establecen que os convenios serán o instrumento habitual para canalizar as subvencións previstas nominativamente nos orzamentos da administración concedente (art. 28.1 e art. 26.1, respectivamente).

d) O V Plan integral de Igualdade de oportunidades entre mulleres e homes da cidade de Vigo 2026-2030, aprobado pola Xunta de Goberno Local o día 6 de febreiro de 2026 e ratificado polo Pleno do 23 de febreiro de 2026, que establece, entre outros, o seguinte obxectivo específico e as seguintes medidas:

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



Obxectivo específico 48: *Visibilizar e impulsar a participación das mulleres do mar.*

Medida 2.20: *Reforzar e visibilizar a participación socioeconómica das mulleres no sector, poñer en valor os roles desenvolvidos polas mulleres nos oficios do mar e promover a igualdade de xénero neste sector laboral, reforzando a sensibilización social sobre a importancia da participación e achegas das mulleres nos sectores estratéxicos da cidade.*

Medida 7.10: *Visibilizar a contribución das mulleres de Vigo, e da súa contorna, no sector do mar e proporcionar ferramentas que contribúan á transferencia da investigación á sociedade con perspectiva de xénero.*

e) A Resolución de Alcaldía de delegación de competencias específicas do Alcalde na Primeira Tenente Alcalde e Área de Goberno de Patrimonio Histórico, Cultura e Igualdade do 28 de xuño de 2024 (BOPPO núm. 133 do 09/07/2024), que delega na Primeira Tenente Alcalde e Área de Goberno de Patrimonio Histórico, Cultura e Igualdade, en materia de igualdade, entre outras, as seguintes atribucións: promover, desenvolver e difundir accións tendentes a visibilizar e incrementar a presenza das mulleres nos distintos ámbitos da vida social e nos procesos de toma de decisións, abrindo canles de participación para impulsar o empoderamento das mulleres, favorecer actividades de investigación, educativas e/ou culturais encamiñadas a recuperar a memoria histórica das mulleres de Vigo e cooperar con outras institucións públicas ou privadas que desenvolvan actividades e programas relacionados coas competencias delegadas en materia de igualdade.

f) Este convenio de colaboración contempla as prescricións que sinala a base núm. 40 das Bases de execución do orzamento xeral do ano 2026.

VI. FUNDAMAR non está incurso en prohibición para ser beneficiaria das subvencións obxecto da Lei 9/2007, do 13 de xuño, de subvencións de Galicia, segundo resulta da declaración responsable que achega a entidade, documento incorporado ao expediente deste convenio.

VII. FUNDAMAR está ao corrente das súas obrigas tributarias e fronte a Seguridade Social e non ten débedas pendentes co Concello de Vigo, segundo resulta das certificacións que figuran no expediente.

VIII. En base ás precedentes consideracións e ao interese social que, para a cidade de Vigo, representa o programa *Sereas, as mulleres do mar*, nos eidos da promoción da igualdade, de visibilización e de recoñecemento do papel das mulleres no sector do mar e a súa industria e de empoderamento das novas xeracións de mulleres, o Concello de Vigo e FUNDAMAR conveñen a súa colaboración en base ás seguintes

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



ESTIPULACIÓNS

PRIMEIRA.- Obxecto e finalidade do convenio

O obxecto deste convenio é regular os termos da concesión da subvención directa prevista nominativamente no orzamento xeral do Concello de Vigo do exercicio 2026 a favor de FUNDAMAR para o desenvolvemento do programa *Sereas, as mulleres do mar* no ano 2026.

Os obxectivos, as actividades que se van desenvolver e o orzamento do programa están descritos na memoria do programa presentada pola entidade e que figura no expediente deste convenio.

SEGUNDA.- Descrición do programa e accións a desenvolver

No desenvolvemento do programa *Sereas, as mulleres do mar*, FUNDAMAR levará a cabo as seguintes accións de divulgación e participación:

- Repositorio Sereas
- XII xornada Sereas
- Roteiro Sereas

Repositorio Sereas

Esta actividade consiste na continuidade e ampliación do repositorio *SomosSereas*, que é unha iniciativa destinada á recuperación e á difusión das historias da vida de mulleres pertencentes a diferentes ámbitos do sector mar-industria (extracción, transformación, comercialización, investigación xestión ou representación institucional), cos obxectivos de visibilizar e de poñer en valor o seu papel na economía e na sociedade e contribuír á recuperación da memoria histórica feminina e á xeración de referentes.

As testemuñas das mulleres protagonistas, mínimo 2, recompilaranse en vídeos e en fichas divulgativas.

XII xornada Sereas

A XII xornada Sereas consiste nun encontro divulgativo de investigadoras, profesionais do sector, representantes institucionais e público interesado coa finalidade de compartir coñecementos, experiencias e reflexións sobre a igualdade de xénero, a memoria histórica e a participación feminina no ámbito do mar.

A actividade inclúe: a presentación das novas mulleres protagonistas do repositorio Sereas, relatorios, mesas redondas e espazos de diálogo para a difusión do coñecemento xerado, a visibilización das

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



contribucións das mulleres e a concienciación social sobre o seu papel na economía do sector.

Roteiro Sereas

Esta actividade consiste nunha ruta de navegación pola ría de Vigo durante a que se ofrecerán explicacións divulgativas sobre a evolución histórica, destacando especialmente o papel das mulleres en diferentes ámbitos do sector mar-industria como o marisqueo, o traballo nas fábricas conserveiras, a comercialización do peixe e outras actividades vinculadas á economía do mar coa finalidade de achegar ao público unha visión inclusiva da historia do sector, visibilizando a contribución das mulleres.

TERCEIRA.- Obrigas de FUNDAMAR

No marco deste convenio, FUNDAMAR queda obrigada a:

1. Desenvolver o programa *Sereas, as mulleres do mar* conforme a estipulación 2ª e a memoria do programa que presentou para este convenio.
2. Cumprir as obrigas derivadas do Regulamento (UE) 2016/679 – RXPD do Parlamento Europeo e do Consello sobre a protección de datos de carácter persoal e das demais disposicións vixentes nesta materia.

Os datos de carácter persoal que FUNDAMAR obteña ao abeiro deste convenio non poderán ser obxecto de uso particular, nin de cesión a terceiras persoas. Os datos necesarios que a entidade deba obter para cumprir as obrigas establecidas neste convenio deberán recollese previa autorización asinada das participantes. Esta autorización firmada deberá indicar o uso que se vai facer deses datos, así como que serán cedidos ao Servizo de Igualdade do Concello de Vigo e a outras Administracións públicas cando sexa necesario para o lexítimo exercicio das súas competencias ou en cumprimento dun mandato legal ou xudicial. En todo caso, deberá cumprirse a normativa vixente en materia de uso, protección e tratamento de datos de carácter persoal.

3. Solicitar e obter por escrito o consentimento das persoas entrevistadas para ser gravadas, así como de calquera outra persoa que figure en calquera das pezas audiovisuais. A autorización deberá respectar as leis vixentes en materia de privacidade e dereitos de imaxe. Os consentimentos expresos deberán obterse con carácter previo ás gravacións.
4. Velar para que as pezas audiovisuais non infrinxan ningún dereito de autoría nin de propiedade intelectual e para que non conteñan informacións que poidan violar os dereitos de terceiras persoas.
5. Responsabilizarse de calquera reclamación administrativa ou xudicial, presente ou futura, que poida xurdir en relación coas pezas audiovisuais producidas, así como de calquera outra consecuencia derivada das ditas pezas.

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



6. Dar adecuada publicidade ao financiamento municipal da actividade subvencionada mediante a inserción en lugar visible do logo do Concello de Vigo e a lenda “Colabora Servizo de Igualdade-Concello de Vigo” en canto material escrito e audiovisual se empregue.

É obriga de FUNDAMAR difundir esta colaboración en todos os actos e actividades que realice e se enmarquen no programa *Sereas, as mulleres do mar* financiado por este convenio, incluídos a páxina web, blog e redes sociais propias. Así, calquera representante ou portavoz da entidade deberá informar e difundir o apoio do Servizo de Igualdade do Concello de Vigo ao mantemento e financiamento das actividades do programa en toda intervención que realice por calquera canle ante os medios de comunicación. Esta obriga estenderase a todos os actos públicos: charlas, xornadas, mesas de debate, etc., aos que sexan invitadas, aínda que non haxa presenza de medios.

7. Asumir todo o concernente á organización xeral, desenvolvemento e difusión das actividades do programa subvencionado, achegando a infraestrutura, o equipo humano e o equipamento técnico que sexan necesarios para o seu bo desenvolvemento (incluíndo as necesidades técnicas necesarias nos actos de inauguración e/ou presentación ao público, medios, etc.). Todos os soportes, elementos, materiais, accesorios, etc. que se utilicen para a execución das actividades subvencionadas deberán estar en perfecto estado de conservación e mantemento e cumprir a normativa vixente en materia de seguridade e instalación.
8. Xestionar e aboar todos os gastos que se deriven da organización, produción e desenvolvemento das actividades subvencionadas e obter todos os permisos para a súa realización. Todos os gastos e impostos, incluídos os dereitos de autoría (SGAE, etc.) derivados das actividades subvencionadas serán por conta de FUNDAMAR.
9. Todas as actividades desenvolvidas por FUNDAMAR na execución deste convenio deberán estar amparadas ou cubertas de toda clase de continxencias derivadas da referida execución, por efecto dela ou con ocasión da mesma, a través das necesarias relacións de aseguramento, social ou privado, que contemplan a asistencia sanitaria, accidentes de traballo e demais prestacións do sistema de seguridade social, así como da posible responsabilidade civil. Será responsabilidade exclusiva da entidade calquera defecto na cobertura. En caso de sinistro ou accidente, calquera diferenza que xurda no pago das indemnizacións, xa sexa pola aplicación de franquías ou outro tipo de descuberto do seguro contratado, deberá ser soportada por FUNDAMAR.
10. Asumir todas as responsabilidades que poidan derivarse da organización e da realización do programa subvencionado.
11. Desenvolver as actividades subvencionadas garantindo o cumprimento das normas de protección de riscos e a debida protección para o persoal ao seu cargo e para a cidadanía. As tarefas que así o requiran deberán realizarse por persoal especializado e cualificado na prevención de riscos laborais

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



garantindo a debida protección e cumprimento das normas de protección de riscos. Calquera incumprimento a este respecto será responsabilidade única de FUNDAMAR e non do Concello de Vigo.

12. Cumprir todos os requirimentos legais que afecten as actividades subvencionadas, cumprir as disposicións en vigor en relación coas traballadoras e traballadores e funcións ao seu cargo, en todos os seus aspectos, incluídos os de Seguridade Social, hixiene laboral, riscos laborais, así como o pagamento dos impostos, recargas e arbitrios que se deriven destas actividades. A persoa ou o persoal que preste servizos en FUNDAMAR non manterá relación laboral nin contractual co Concello de Vigo.
13. Responder da veracidade dos datos comunicados e dos documentos presentados ao abeiro deste convenio.
14. Executar as actividades subvencionadas asumindo a responsabilidade da súa organización e desenvolvemento. En ningún caso poderá producirse unha substitución da beneficiaria por outra entidade no desenvolvemento do programa subvencionado.
15. Xustificar a aplicación dos fondos recibidos á realización do programa subvencionado e o cumprimento da finalidade que determinou a concesión da subvención, dentro do prazo e na forma previstos neste convenio.
16. Utilizar unha linguaxe e unha imaxe non sexistas en todo o soporte material e audiovisual que se empregue para o desenvolvemento das actividades subvencionadas.
17. Someterse ás actuacións de comprobación, seguimento, control financeiro e inspección que o Concello de Vigo considere necesario, ás previstas na lexislación do Tribunal de Contas e do Consello de Contas ou ás doutros órganos da Administración estatal ou da Unión Europea, aos que lles facilitará tanta información lle sexa requirida para estes efectos, de conformidade co disposto na Lei 9/2007, de subvencións de Galicia e na normativa regulamentaria de desenvolvemento, así como conservar os documentos xustificativos da aplicación dos fondos recibidos, incluídos os documentos electrónicos, en canto poidan ser obxecto das actuacións de comprobación e control.
18. Comunicar a obtención doutras subvencións, axudas, ingresos ou recursos procedentes de calquera administración ou entidade pública ou privada, autonómica, nacional ou internacional, que financien as actividades subvencionadas, así como calquera modificación das circunstancias que se tiveron en conta para a concesión da subvención. Esta comunicación deberá efectuarse no momento en que se coñeza e, en todo caso, con anterioridade á xustificación da subvención.
19. As obrigas de FUNDAMAR, como beneficiaria da subvención nominativa que se regula por este convenio, serán, ademais das estipuladas nos apartados anteriores, as consignadas no artigo 11 da

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



Lei 9/2007, do 13 de xuño, de subvencións de Galicia, no artigo 14 da Lei 38/2003, do 17 de novembro, xeral de subvencións e no Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións.

20. Informar puntualmente ao Servizo de Igualdade de calquera incidencia que puidera acontecer no desenvolvemento das accións subvencionadas.

CUARTA.- Obrigas do Concello de Vigo

Coa sinatura deste convenio, o Concello de Vigo obrígase a conceder directamente a FUNDAMAR unha subvención por importe de 10.000 euros para o desenvolvemento do programa *Sereas, as mulleres do mar* no ano 2026, que se imputará á aplicación orzamentaria 2311 4890007 FUNDAMAR, proxecto *Sereas* do orzamento vixente do Servizo de Igualdade.

Se o custo total das actividades subvencionadas resultase ser menor que o contemplado para a concesión da subvención ou se reducisen na execución das actividades subvencionadas as actuacións ou elementos previstos como integrantes delas, procederá a redución da subvención na mesma proporción.

En calquera caso, o importe da subvención, illadamente ou en concorrencia con outras subvencións, non poderá superar o custo das actividades subvencionadas, no caso de superalo procederase na forma prevista no art. 34 do Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións para os casos de exceso de financiamento sobre o custo da actividade.

QUINTA.- Compatibilidade da subvención

A subvención concedida polo Concello de Vigo ao abeiro deste convenio é compatible con calquera outra subvención ou axuda para a mesma finalidade procedente de calquera outra administración ou de entes públicos ou privados, nacionais, da Unión Europea ou de organismos internacionais.

FUNDAMAR deberá comunicarlle ao Concello de Vigo a obtención doutras subvencións, axudas, ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

En calquera caso, o importe total da subvención ou subvencións non poderá superar o da actividade subvencionada, no caso de superalo, procederase na forma prevista no artigo 34 do Real decreto 887/2006, de 21 de xullo, polo que se aproba o Regulamento da Lei 38/2003, do 17 de novembro, xeral de subvencións para os casos de exceso de financiamento sobre o custo da actividade.

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



SEXTA.- Pagamento da subvención

O Concello de Vigo aboará o importe de 10.000 euros no mes de novembro de 2026, previo informe do Servizo de Igualdade que acredite o cumprimento do convenio unha vez que FUNDAMAR achegue a documentación xustificativa da subvención concedida.

Antes de proceder ao pago da subvención, a beneficiaria deberá acreditar estar ao corrente no cumprimento das súas obrigas fiscais e coa Seguridade Social e non ser debedora por resolución de procedencia de reintegro, o que poderá realizar por medio dunha declaración responsable, ao abeiro do artigo 31.7.e) da Lei 9/2007, do 13 de xuño, de subvencións de Galicia.

Se o custe total da actividade subvencionada resultase ser menor que o contemplado para a concesión da subvención ou se reduciran na execución da actividade subvencionada as actuacións ou elementos previstos como integrantes dela, procederá a redución da subvención na mesma proporción.

A comunicación destas circunstancias ao Concello deberá efectuarse no momento en que se coñeza e, en todo caso, con anterioridade a xustificación da aplicación dada aos fondos recibidos.

SÉTIMA.- Subcontratación

FUNDAMAR poderá subcontratar con terceiras persoas ata un 90% do importe das actividades subvencionadas segundo o previsto no art. 29 da Lei 38/2003, do 17 de novembro, xeral de subvencións e no art. 27 da Lei 9/2007, do 13 de xuño, de subvencións de Galicia.

Esta circunstancia non poderá implicar, en ningún caso, a cesión do programa subvencionado nin a substitución na súa execución en favor doutra/s entidade/s. FUNDAMAR deberá manter en todo momento a condición de organizadora do programa e a súa dirección e responsabilidade.

Non poderán ser subcontratistas as persoas ou entidades ás que se refiren os artigos 29.7 da Lei xeral de subvencións e 27.7 da Lei de subvencións de Galicia.

OITAVA.- Comisión de seguimento

Para o seguimento e avaliación deste convenio de colaboración establécese unha Comisión de seguimento e avaliación que, presidida pola concelleira delegada de Igualdade e Comercio, estará formada ademais, previo nomeamento pola presidenta, polas seguintes persoas:

- Polo Concello: a xefa do Servizo de Igualdade ou técnica de Igualdade na que delegue, que actuará ademais como secretaria.
- Por FUNDAMAR: 2 persoas designadas pola entidade para tal fin.

Esta comisión terá como funcións a avaliación dos resultados da execución do convenio, o seguimento

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



do estado de gastos e a resolución das dúbidas e discrepancias que poidan xurdir na interpretación e aplicación do convenio.

Esta comisión reunirse, cando menos, unha vez ou a pedimento de calquera das partes.

Destas reunións redactarase sempre a correspondente acta.

NOVENA.- Publicidade

1. O Concello de Vigo, conforme o establecido pola Lei 15/2014, do 16 de setembro, de racionalización do sector público e outras medidas de reforma administrativa, que modificou o réxime xurídico da Base de Datos Nacional de Subvencións (BDNS) contido no artigo 20 da Lei 38/2003, do 17 de novembro, xeral de subvencións, rexistrará e daralle publicidade a este convenio na BDNS e no Portal de Transparencia do Concello de Vigo.
2. FUNDAMAR deberá dar adecuada publicidade do financiamento municipal da actividade subvencionada mediante a inserción en lugar visible do logo do Concello de Vigo e a lenda “Colabora Servizo de Igualdade-Concello de Vigo” en canto material escrito e audiovisual se empregue.

É obriga da beneficiaria difundir esta colaboración en todos os actos e actividades que realice no desenvolvemento do programa *Sereas, as mulleres do mar*. Para isto, a beneficiaria colocará, en lugar visible para o público, un cartel que identifique o Concello de Vigo e o Servizo de Igualdade e que indique que o acto/a actividade que se está a realizar está financiado/a polo Concello de Vigo. Esta difusión tamén se fará extensiva á páxina web, blog e/ou redes sociais propios da beneficiaria. A beneficiaria enviará ao Servizo de Igualdade, coa suficiente antelación, a proposta de imaxe, texto e medidas do cartel para ser aprobado previamente polo Concello.

Así, calquera representante ou portavoz da entidade beneficiaria deberá informar e difundir o apoio do Servizo de Igualdade do Concello de Vigo ao mantemento e financiamento das actividades subvencionadas en toda intervención que realice por calquera canle ante os medios de comunicación. Esta obriga estenderase a todos os actos públicos: charlas, xornadas, mesas de debate, etc., aos que sexan invitadas, aínda que non haxa presenza de medios.

A difusión deste financiamento municipal deberá acreditarse documentalmente na memoria final que presente a beneficiaria (anuncios na prensa, audios, vídeos, gravacións, imaxes das actividades coa difusión da colaboración municipal, capturas de pantalla da web e redes sociais, etc.).

DÉCIMA.- Duración e vixencia

O convenio entrará en vigor na data da súa sinatura e estará vixente ata o 30 de outubro de 2026, incluído.

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



FUNDAMAR poderá imputar á subvención concedida os gastos que realice, en execución deste convenio, entre o 1 de xaneiro de 2026 e o 30 de outubro de 2026 (ambos incluídos).

DÉCIMO PRIMEIRA.- Modificación do convenio

Calquera alteración do contido deste convenio precisará do acordo das partes asinantes e da autorización municipal do órgano competente e instrumentarase mediante a correspondente addenda.

DÉCIMO SEGUNDA.- Causas de resolución

O convenio extinguirase polo cumprimento total das actuacións que constitúen o seu obxecto, polo acordo unánime das partes, pola decisión xudicial declaratoria da súa nulidade ou polo incumprimento das obrigas e compromisos asumidos polas partes. Neste último caso, calquera das partes poderá notificar á parte incumpridora un requirimento para que cumpra, nun prazo determinado, as obrigas ou compromisos que considera incumpridos. De non cumprirse tal requirimento, procederá a resolución do convenio e, de ser o caso, a esixencia da indemnización que proceda polos danos e perdas ocasionados. En todo caso, para os efectos da resolución do convenio estarase ao disposto na súa normativa reguladora (art. 52 Lei 40/2015, do 1 de outubro, de réxime xurídico do sector público e concordantes).

DÉCIMO TERCEIRA.- Xustificación

1. Prazo

A data límite para que FUNDAMAR presente a conta xustificativa do cumprimento da finalidade para a que se lle concedeu a subvención e da aplicación dada á subvención concedida é o 6 de novembro de 2026, incluído.

2. Procedemento

En cumprimento da obriga imposta polo artigo 14.2.a) da Lei 39/2015, do 1 de outubro, do procedemento administrativo común das administracións públicas (LPAC), establécese o emprego de medios electrónicos para presentar a documentación xustificativa da subvención outorgada.

A beneficiaria presentará a documentación xustificativa a través do Rexistro xeral do Concello de Vigo ao que se accede pola sede electrónica do Concello. A beneficiaria poderá utilizar calquera dos sistemas de identificación e sinatura electrónica admitidos, que se poden consultar no enlace: <https://sede.vigo.org/expedientes/usuarios/login.jsp?lang=gal>.

Os documentos que requiran sinatura, asinaranse electronicamente antes do seu envío a través do Rexistro xeral do Concello.

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



3. Documentación

FUNDAMAR deberá presentar, a través do Rexistro xeral do Concello de Vigo:

- Un escrito asinado polo seu representante no que solicite o pago da subvención.
- A conta xustificativa do gasto realizado, integrada pola seguinte documentación:

a) Memoria económica, na que deberán constar:

- Unha declaración, asinada pola persoa representante de FUNDAMAR, das actividades realizadas que foron financiadas coa subvención e do seu custo, co detalle de cada un dos gastos e pagos realizados.
- Unha declaración, asinada pola persoa representante, de que os gastos que se imputan á subvención aplicáronse ás actividades subvencionadas e de que o programa que foi obxecto da subvención foi executado na súa totalidade e o seu custo total foi de 11.812,65 euros (importe do orzamento do programa presentado por FUNDAMAR para este convenio).
- As facturas e/ou documentos de valor probatorio equivalente polo importe da subvención concedida, asinados pola persoa representante de FUNDAMAR.

As facturas deberán indicar CIF, data, número de factura e IVE. Non se admitirán facturas que non reúnan as esixencias previstas no Real decreto 1619/2012, do 30 de novembro, polo que se aproba o Regulamento polo que se regulan as obrigas de facturación. Nestas facturas computarase o gasto acreditado deducindo o IVE, salvo que FUNDAMAR xustifique que está exenta de presentar declaración polo IVE.

No caso de que se xustifique a subvención con gastos de persoal, deberán achegarse as nóminas, que deberán estar asinadas pola persoa representante de FUNDAMAR e polo ou pola profesional contratada.

- Acreditación de que os gastos realizados imputados a esta subvención foron efectivamente pagados con anterioridade á finalización do período de xustificación (transferencias bancarias...).
- Declaración responsable, asinada pola persoa representante, de que a beneficiaria atópase ao corrente das súas obrigas tributarias e coa Seguridade Social, e de que non é debedora por resolución de procedencia de reintegro (art. 31.7 da Lei 9/2007, de subvencións de Galicia).
- Declaración responsable, asinada pola persoa representante, sobre a obtención doutras subvencións, axudas, ingresos ou recursos procedentes de calquera administración ou entidade pública ou privada, autonómica, nacional ou internacional, que financien as actividades

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



subvencionadas, con indicación, de ser o caso, do seu importe e da súa procedencia.

- Cando se xustifiquen gastos que constitúan rendementos incluídos no ámbito de aplicación do IRPF e suxeitos a retención, acreditación de que foi practicada a retención, declarada, liquidada e ingresada na AEAT.

b) Memoria final, asinada pola persoa representante de FUNDAMAR, que deberá indicar, dun xeito cuantitativo e cualitativo, todas as actividades realizadas no marco deste convenio, con indicación das persoas participantes en cada unha das actividades, con datos desagregados por sexo.

c) Reportaxe gráfica das actividades desenvolvidas ao abeiro deste convenio.

d) Acreditación da publicidade dada ao carácter público do financiamento das actividades subvencionadas (anuncios na prensa, audios, vídeos, gravacións, imaxes das actividades coa difusión da colaboración municipal, capturas de pantalla da web e redes sociais, etc.).

e) Calquera outra documentación que lle sexa solicitada polo Concello, en relación coa xustificación da subvención.

DÉCIMO CUARTA.- Gastos subvencionables

Son gastos subvencionables os que se realicen desde o 1 de xaneiro de 2026 ata o 30 de outubro de 2026 (incluídos) e respondan, de xeito indubidable, á natureza da actividade subvencionada, atendendo ao especificado no orzamento presentado por FUNDAMAR para o desenvolvemento do programa *Sereas, as mulleres do mar* no ano 2026.

Son gastos subvencionables, sen carácter excluínente, os seguintes: salarios, honorarios das relatoras e do persoal técnico, material funxible, xestoría, seguros, gastos de difusión, gastos de produción das pezas audiovisuais, gastos de transporte e desprazamentos, alugueiro de instalacións, de mobiliario ou de equipamento, consumos (teléfono, luz, distribución postal...), etc.

Non son gastos subvencionables os gastos de adquisición de patrimonio nin os gastos de investimento (adquisición de mobiliario, equipamento, etc.).

Os custos indirectos formarán parte da xustificación da subvención sempre que se imputen á actividade subvencionada, na parte que razoablemente corresponda de acordo cos principios e normas de contabilidade xeralmente admitidas e, en todo caso, na medida na que tales custos correspondan ao período no que efectivamente se realiza as actividades do programa.

DÉCIMO QUINTA.- Comprobación da subvención

A axeitada xustificación da subvención, a realización das actividades subvencionadas e o cumprimento

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



da finalidade que determinou a concesión da axuda, serán comprobados polo Servizo de Igualdade. A xefa do Servizo de Igualdade emitirá informe ao respecto acreditando o cumprimento do convenio ou facendo constar, no seu caso, todas aquelas circunstancias que poidan resultar relevantes en orden a considerar incumplida ou defectuosamente cumprida a actividade subvencionada. O informe do órgano xestor incorporarase á conta xustificativa.

DÉCIMO SEXTA.- Obriga de información

FUNDAMAR deberá facilitar toda a información que lle sexa requirida polo Servizo de Igualdade e pola Intervención Xeral Municipal, o Tribunal de Contas e o Consello de Contas no exercicio das súas funcións de fiscalización e control do destino das subvencións, así como conservar os documentos xustificativos da aplicación dos fondos recibidos, incluídos os documentos electrónicos, en canto poidan ser obxecto das actuacións de comprobación e control.

DÉCIMO SÉTIMA.- Perda do dereito ao cobro, nulidade e reintegro da axuda

Dará lugar á perda do dereito ao cobro total ou parcial da subvención o incumprimento por parte da entidade beneficiaria das obrigas establecidas neste convenio, a falta de xustificación da subvención ou a insuficiencia desta e a concorrencia dalgunha das causas previstas no artigo 33 da Lei 9/2007, do 13 de xuño, de subvencións de Galicia.

Serán causas de invalidez da concesión da subvención as previstas no artigo 32 da Lei 9/2007, do 13 de xuño, de subvencións de Galicia.

Procederá o reintegro das cantidades percibidas e a esixencia dos xuros de demora correspondentes desde o momento do pago da subvención ata a data na que se acorde a procedencia do reintegro nos casos do artigo 33 da Lei 9/2007, do 13 de xuño, de subvencións de Galicia.

Cando o incumprimento da actividade subvencionada se traduza nunha diminución significativa da actividade subvencionada, traducible a termos económicos en función do programa presentado e o seu presuposto, que non implique verdadeiro incumprimento do obxectivo da subvención, procederá o reintegro da subvención na mesma proporción.

No caso de que o importe da subvención, illadamente ou en concorrencia con outras subvencións, axudas, ingresos ou recursos, supere o custo do programa subvencionado procederá o reintegro do exceso da subvención sobre o custo do programa, así como a esixencia dos xuros de demora correspondentes.

DÉCIMO OITAVA.- Réxime de infraccións e sancións

Canto ás infraccións e sancións en que poida incorrer a beneficiaria da subvención regulada neste convenio e o procedemento para a súa imposición, estarase ao disposto no Título IV da Lei 9/2007, do

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



13 de xuño, de subvencións de Galicia e na Lei 39/2015, do 1 de outubro, do procedemento administrativo común das administracións públicas.

DÉCIMO NOVENA.- Tratamento de datos de carácter persoal

Os datos da entidade beneficiaria da subvención, os do seu representante, así como os datos de carácter persoal que facilite ao Concello de Vigo ao abeiro deste convenio, serán incorporados aos ficheiros municipais. A finalidade da súa recollida é a instrución do procedemento para a concesión da subvención nominativa obxecto do presente convenio, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia co fin de concluír o procedemento subvencional, polo que a súa achega é obrigatoria.

O Concello de Vigo ten a condición de responsable do tratamento deses datos e asume as obrigas derivadas do Regulamento (UE) 2016/679 – RXPD do Parlamento Europeo e do Consello sobre protección de datos de carácter persoal e das demais disposicións vixentes nesta materia.

A lexitimación do tratamento deses datos está baseada no consentimento expreso das persoas interesadas en participar no procedemento e no exercicio lexítimo das competencias legais do Concello de Vigo no ámbito do fomento e promoción da igualdade conforme a normativa de réxime local e sectorial aplicable.

O prazo de conservación dos datos facilitados será o necesario para a completa execución do procedemento, incluído o prazo de prescrición a efectos de posibles responsabilidades derivadas da actividade ou do dito tratamento.

Os datos poderán ser cedidos a outras Administracións públicas cando sexa necesario para a correcta prestación do servizo ou ben en cumprimento dun mandato legal ou xudicial. Tamén poderán ser verificados e cotexados con calquera outros dos que as demais administracións dispoñan a fin de comprobar a súa exactitude e veracidade.

As persoas interesadas poderán exercitar os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, na forma prevista na normativa vixente, ante o órgano responsable do ficheiro (Concello de Vigo). Así mesmo teñen dereito a presentar unha reclamación ante a Axencia Española de Protección de Datos (www.aepd.es).

Poderán obter máis información na web municipal ou contactando co delegado de protección de datos no enderezo dpd.vigo@vigo.org.

**SERVIZO DE
IGUALDADE**

**CONCELLERÍA DE
IGUALDADE E COMERCIO**

**CONCELLO
DE VIGO**



VIXÉSIMA.- Normativa de aplicación

A subvención obxecto do presente convenio rexeráse pola Lei 38/2003, do 17 de novembro, xeral de subvencións e polo Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións, nos seus preceptos básicos; a Lei 9/2007, do 13 de xuño, de subvencións de Galicia; a Lei 15/2014, de 16 de setembro, de racionalización do sector público e outras medidas de reforma administrativa; a lexislación básica do Estado en materia de réxime local e de procedemento administrativo común; os preceptos non básicos da Lei 38/2003 e do Real decreto 887/2006; as estipulacións que se conteñen neste convenio; as bases de execución do orzamento municipal do exercicio 2026; as restantes normas de dereito administrativo e, no seu defecto, as normas de dereito privado.

VIXÉSIMO PRIMEIRA.- Natureza xurídica e xurisdición competente

Este convenio ten carácter administrativo e rexeráse polo establecido nas súas estipulacións, quedando excluído da aplicación da normativa reguladora dos contratos do sector público agás, de ser o caso, para a resolución das dúbidas ou lagoas que puidesen presentarse.

As cuestións litixiosas que xurdan con respecto á súa interpretación, modificación, resolución e efectos serán resoltas, en primeira instancia, pola Comisión de seguimento. A falta de acordo, someteranse aos órganos da xurisdición contencioso-administrativa.

E, en proba da súa conformidade, firman o presente convenio, en Vigo, na data da súa sinatura dixital.